

170
S. D. N. D. PAVLI

DIVINA PROVIDENTIA

PAPAE III.

B V L L A

NOVAE MONITIONIS ET RE

*quisitionis poenalis Praelatorum, & aliorum vocem
in Concilio habentium: ut ad illud quan-
to citius possint, per se ipsos, & non per
Procuratores, compareant
& intersint.*



PAVLVS EPISCO

PVS SERVVS SER-
VORVM DEI.

AD FVTVRAM REI
MEMORIAM.

D E C E T Nos à cœlesti patrefami-
lias vineæ suæ excolendæ præfectos more
diligentis villici, qui singula quæq; in agro
suo peragenda, non solum opportunis loco
& tempore, verumetiã per ministros ad id idoneos expe-
diri curat diligenter intendere: vt quæ in eadem vinea
pro tempore facienda occurrant, tam congruis loco & tẽ-
pore, tum etiã per ministros, ad quos ea spectant, sollicite
procurentur. Dudum siquidem sperantes ex celebratione
Oecumenici & generalis Concilij fieri posse, vt dissidia in
religione Christiana tolleretur, & Xpiani populi mores re-
formarentur, ac sub sanctissimo Crucis vexillo, expeditio
cõtra infideles susciperetur: Sacrũ Oecumenicũ & genera-
le Concilium, in Ciuitate Tridentina incipiendum & pro-
sequendum, indiximus & annunciauimus: ac omnes, omni-
bus ex locis, tam venerabiles fratres nostros, Patriarchas,
Archiepiscopos, & Episcopos, ac dilectos filios Abba-
tes, & alios quoscunq;, quibus iure, aut privilegio, in Cõ-
cilij generalibus residendi, & sententias in eo dicendi po-

testas permissa est, requisuimus, hortati suimus, & mo-
nuius, eis nihilominus in vi Iurisiurandi, quod nobis, &
haec Sanctae Sedis Apostolicae praestiterant, in uirtute
Sanctae obedientiae, & sub poenis iure aut consuetudine
in celebrationibus Conciliorum aduersus non accedentes feri-
ri, & proponi solitis: Mandantes atque praecipientes, ut
ipsimet personaliter, nisi forte iusto detinerentur impedi-
mento de quo fidem facere tenerentur, aut eo casu per suos
legitimos procuratores & nuncios, prosecutioni celebra-
tionis Concilij huiusmodi, omnino adesse, & interesse uel-
lent, prout in diuersis nostris desuper confectis literis ple-
nius continetur. Cum autem, sicut nobis nuper innotuit, li-
cet Quarta Dominica Quadragesimae, qua tanquam diem lae-
titiarum ad prosequendum Concilium huiusmodi deputaueram-
us, iamdiu effluxerit: Nihilominus praeter nostros, &
dictae Sedis Legatos, ac quosdam Praelatos, qui e Curia
Romanae, illuc se contulerunt, pauci adhuc praelati ad di-
ctam Ciuitatem accesserint, quinimmo fidedignorum relatione
acceperimus, quamplures ex praelatis & alijs in Conci-
lij generalibus uocem habentibus, non reminiscetes, quod ipsi
ubi aliquo legitimo iuris impedimento non detineantur, pro
se ipsos, & non per procuratores, in Concilio comparere,
& illius prosecutioni interesse debent, propterea quod man-
data ad inibi pro se comparandum, alijs dederint, ad Con-
cilium huiusmodi accedere non curare. Nos attendentes
grauitatem negotiorum, quae in eodem Concilio tractanda
erunt, praelatorum, & aliorum uocem habentium huiusmodi

Iudicium, Consilium, & præsentiam exigere. Et propterea ne sub pretextu alicuius forsitan minus legitimi impedimenti, aut spei eorum admissionis per procuratorem, ipsi ab accedendo ad ipsum Concilium retrahantur, & ut absque aliqua corruptella singulorum Prælatorum & aliorum, ut præfertur, vocem habentium, iudicia & consilia huiusmodi in eodem Concilio libere exquiri & haberi possint, providere volentes: Habita desuper cum venerabilibus fratribus nostris, S. R. E. Cardinalibus matura deliberatione: De eorum Consilio & assensu, eosdem Patriarchas, Archiepiscopos, & Episcopos, ac Abbates, & alios quibus in Concilijs generalibus residendi, & in eis sententias dicendi (ut præmittitur) permissa est potestas: De novo monemus, & hortamur, ac in Dño requirimus, eisque non solum sub periurij, & alijs pœnis prædictis, verumetiam sub sus pensionis à regimine, & administratione Ecclesiarum quibus præsent, ac aliarum dignitatum, cæterorumque beneficiorum Ecclesiasticorum, quorum ratione, eis locus in Concilio, & potestas sententiam in eo dicendi permittitur, per eos obtentorum, necnon interdicti ingressus Ecclesiæ, sententijs, per eos, nisi præsentibus cum effectu paruerint, eo ipso incurrendis, districte præcipiendo mandamus: quatenus mandatis procuratorum per eos hæc tenus, ut præfertur, factis vel impostis faciendis, quæ omnino reuocare, & eorum reuocationem procuratoribus per eos constitutis, aut Concilio huiusmodi intimare, sub eisdem pœnis & sententijs teneantur, minime attentis: Ipsimet personaliter per se

ipfos, & nō p̄ procuratorem, aut procuratores (nisi forte iuſto detineantur impedimento) quo caſu, procuratorem ad ſe in eodem Concilio excuſandum, & de eorum impedimento, fidem legitimam faciendum, ita tamen q̄ eodem impedimento ceſſante, ipſi perſonaliter, & non per procuratorem, aut procuratores, ad hæc omnino teneantur, conſtituere poſſint, quātocius poterunt, ad eādē ciuitatē Tridentinam accedere, & proſecutioni celebrationis Concilij huiſmodi adēſſe, & intereſſe velint, nec mandata pro-
curationum, pro aliquibus Prælatiſ, aut alijs vocē, vt præſertur, habētibus, niſi iuſto impedimento detineantur, & tunc ad eorum impedimenta duntaxat deducendum & probandum, recipere aut acceptare præſumant. Nos enim omnia & ſingula mandata, per eoſdem Prælatos & alios, vt præſertur, vocem habentes: ad aliud q̄ eorum iuſtum impedimentum in Concilio huiſmodi allegandum & probandum, hæctenus facta & impoſterum facienda, nulla, irrita & inania, nulliusq̄ roboris & momenti fore, ac ſolum Prælatos & alios, vocem, vt præſertur, habentes, in dicto Concilio præſentes, & pro ipſiſmet præſentibus duntaxat, & non alijs, etiam ſi ab eis mandata, cū quacūq̄ etiam plena & libera facultate & poteſtate habuerint, vocem in dicto Concilio habere: Sicq̄ in præmiſſis omnibus & ſingulis, per quoscuſq̄ quavis auctoritate ſurgētes. Sublata eis, & eorum cuiſlibet, quavis aliter indicandi, & interpretandi auctoritate & facultate, iudicari, & interpretari debere, ac quicquid ſecus ſuper hijs a quoq̄ quavis

auctoritate, scienter vel ignoranter, contigerit attentari, irritum & inane decernimus. Non obstantibus quibusuis concessionibus, indulgentijs, & literis Apostolicis, eis, & quibusuis alijs, sub quibuscunq; tenoribus, & formis, nec cum quibusuis, etiam derogatorijs derogatorijs, alijsq; efficacioribus, & insolitis clausulis, irritantibusq; & alijs decretis quomodolibet, etiam motu proprio, concessis: ac etiam iteratis vicibus approbatis & innovatis: contrarijs quibuscunq;. Aut si Patriarchis, Archiepiscopis, Episcopis, Abbatibus, & alijs sub presentibus literis comprehensis, cõmuniter vel diuisim, ab eadem sit sede indultum, qd interdici, suspendi, vel excommunicari non possint, per literas Apostolicas non facientes plenam & expressam, ac de verbo ad verbum de indulto huiusmodi mentionem. Ut autem pmissa omnia, ad eorum, quorum interest, notitiam, decantentur, Nullusq; de eis ignorantiam iuste prætere possit: Volumus, & Apostolica auctoritate decernimus, qd presentes literæ, p aliquos Curie nostræ Cursores, uel Notarios publicos, in Basilica principis Apostolorum de Vrbe, & Ecclesia Lateranen. Dum inibi multitudo ad diuina audienda conuenerit, palam, & clara voce legantur: & lectæ, in earundem Basilicæ & ecclesiæ ac Cancellariæ Apostolicæ valuis, necnon in acie Campi Floræ affigantur, ubi ad lectiõem, & notitiam cunctorũ aliquandiu affixæ pendeant, & cũ inde amouebuntur, earũ exempla, in eisdem locis remaneant affixa. Qd earum transumptis manu Notarij publici subscriptis, & sigillo

alicuius p̄sonæ in dignitate Ecclesiastica constitutæ muni-
tis, certa & indubitata fides adhibeatur, prout p̄sentibus li-
teris adhiberetur si forent exhibitæ vel ostēse. Nulli ergo
omnino hominum, liceat hanc paginam nostræ monitionis,
hortationis, requisitionis, voluntatis, & decreti infringere,
uel ei ausu temerario contraire. Siquis autem hoc attē-
tare præsumpserit, indignationē omnipotentis Dei, ac bea-
torum Petri & Pauli Apostolorum eius, se nouerit in-
cursurum. Dat. Romæ apud Sanctum Petrum, Anno
incarnationis Dominicæ, Millesimo Quingentesimo Qua-
dragesimo Quinto. Quintodecimo Kal. Maij. Ponifi-
catus nostri, Anno V. decimo.

Fab. Ep̄us Spoletin̄.

B. Motta.

A NNO a Natiuitate Domini, Milleſimo Quingēteſimo Quadrageſimo quinto. Indictione tertia, Die vero prima Menſis Maij. Pontificatus Sāctiſſimi in Chriſto patris, & Domini noſtri Domini Pauli, diuina pro uidentia Papæ Tertij, Anno eius Vndecimo. Retroſcriptæ literæ monitionis, hortationis, & requiſitionis, palā, publice, clara & intelligibili uoce, in baſilica Principis Apoſtolorū de Vrbe, dum inibi diuina officia de mane celebrabantur, & magna populi multitudo congregata eſſet, de uerbo ad uerbum, per me Ioannem Roillard, præſati Sāctiſſimi Domini noſtri Papæ Curſorē, lectæ & deinde affixæ & publicatæ fuerunt. Et ſucceſſiue eadem die in Eccleſia ſancti Ioannis Lateranenſi, etiam de uerbo ad uerbum ſimiliter hora ueſperorum, per me eundem Ioannem lectæ & affixæ ac publicatæ fuerunt. Et poſtmodū eadē die affixæ & publicatæ, in ualuis ſeu portis Cancellariæ Apoſtolice, & in acie Campi Floræ, diſmiſſis in ſupradictis locis, per aliquod temporis ſpatium, affixis, & deinde amotis, copiam earundem literarum in quolibet loco ſupradicto affigendo & dimittendo, p nos Petrū Gomez, & Ioannem Roillard, prælibati Sāctiſſimi Domini noſtri Papæ Curſores.

Ita eſt Petrus Gomez Curſor.

Ita eſt Ioannes Roillard Curſor.

Ita eſt Dominicus Vaquer Magiſter Curſorum.